



MARREVESHJE SIGURUESE

Nr.1463/2 Date 16.03.2018

Ne Tirane, sot me date 16.03.2018 (dy mije e tetëmbëdhjetë) para meje Noterit Follire Malaj, Noter i Dhomes se Notereve
Tirane, u paraqiten personalisht:

- I. **Shoqeria tregtare "Kassel" shpk**, me Seli ne adrese: Tirane, njesia administrative Nr.5, Rruga Sami Frasheri, Ndertesa Nr.56, hyrja nr.36, Apartamenti 13, Kodi Postar 1019, e krijuar e vepron ne baze te ligjeve shqiptare, regjistruar si person Juridik ne QKR me dt 05.06.2012, rregjisruar ne Organet Tatimore, Tirane, NIPT L21805019F qe ligjerisht perfaqesohet ketu e me poshte nga administratori i saj **z.Kastrit Kadri Ponari** lindur me 27.03.1979, vendlindja Dushaj, Tropoje me Passaporte nr. DE6469185 dhe me Nr. personal H90327056N, me banim Rr. "Sami Frasheri", Hyrja 7, ap 15, Tirane, me zotesi te plote juridike per te vepruar; (dhe ne vazhdim do te quhet **Barredhenes**)
- II. **z.Kastrit Kadri Ponari** lindur me 27.03.1979, vendlindja Dushaj, Tropoje me Passaporte nr. DE6469185 dhe me Nr. personal H90327056N, me banim Rr. "Sami Frasheri", Hyrja 7, ap 15, Tirane, me zotesi te plote juridike per te vepruar; (dhe ne vazhdim do te quhet **Barredhenes**);
- III. **"Banka Credins" SHA**, rregjistruar ne Gjykatën e Shkalles se Pare Tirane, me vendimin Nr. 28969, date 31.01.2003, rregjistruar ne organin tatimor me Kodin Fiskal Nr.3709529, NIPT Nr. K 316088010 , si dhe me Licencen e Bankes se Shqiperise Nr.16, date 31.03.2003, perfaqesuar Drejtore e Rajonit Nr.3 Tirane, **znj. Ira Dafa** lindur me 24.08.1982 me Leternjoftim nr.033083912dhe Nr. personal I25824113R, dhe nga Analiste e Kredise **znj.Bruna Kadiu** , lindur me 23.07.1985, me Leternjoftimi nr. 025167404dhe Nr. personal I55723076D te njohur personalisht para meje, madhore me zotesi te plote juridike dhe per te vepruar, (dhe ne vazhdim do te quhet **"Barremarres"**).

Ne kete kontrate, fjalët në njëjës mund të interpretohen në shumës dhe anasjelltas, kurdoherë që një gjë e tillë është e domosdoshme nga përmbajtja e nenit. Termat në gjininë mashkullore nënkuptojnë dhe gjininë femërore dhe anasjelltas.

**Neni 1
Objekti i Kontrates**

- 1.1 Krijimi i nje barre siguruese mbi pasurite e luajshme te **Barredhenesit**, si garanci per shlyerjen e kredise se akorduar nga Banka Credins ne baze te **Kontrates per Kredi nr. 1463/date 16.03.2018 nr. 1358 rep, nr. 589 kol, date 16.03.2018 noterizuar nga Noter F. Malaj**
- 1.2 **Barredhenesit** vendosi barre mbi kolateralin e pershkruar si me poshte:
 - 100 % te kuotave dhe te drejtat qe lidhen me to qe z Kastrit Ponari zoteron ne shoqerine tregtare **"KASSEL" SHPK**, me NIPT L21805019F, si edhe mbi kuotat e reja qe mund te zoteroje ne te ardhmen ne kete shoqeri tregtare.

**Neni 2
Baza Ligjore**

2.1 Ligji Nr. 8537, dt.18.10.1999 "Per Barret Siguruese" i ndryshuar, Kodi Civil i Republikes se Shqiperise i ndryshuar.



**Neni 3
Vlefshmeria**

3.1 Marreveshja hyn ne fuqi dite e nenshkrimit nga palet dhe mbetet ne fuqi deri ne shlyerjen e plote te kredise se bashku me penalitetet, interesat, komisionet, detyrimet dhe shpenzimet e tjera te parashikuara, ne kontraten e kredise specifikuar ne nenin 1 te kesaj marreveshje si dhe anekset, shtesat dhe/ose ndryshime e saj, apo dhe ne rast ristrukturimi te kontrates se kredise si me siper permendur, transformimi nga linje ne kredi apo anasjelltas, transformimi nga garanci bankare ne kredi, etj por pa u kufizuar ne keto.

**Neni 4
Garancite**

4.1 Barredhenesi garanton dhe siguron se eshte pronar legjitim dhe i vetem i kolateralit.

4.2 Barredhenesi garanton Barremarresin se kolaterali, eshte i lire nga cdo barre, detyrim, apo garanci tjetër.

**Neni 5
Detyrimet e barrëdhënësit**

5.1 Gjatë kohëzgjatjes së kontrates se kredise specifikuar ne nenin 1 te kesaj marreveshje si dhe anekseve, shtesave dhe/ose ndryshimeve te saj, apo dhe ne rast ristrukturimi te kontrates se kredise si me siper permendur, transformimi nga linje ne kredi apo anasjelltas, transformimi nga garanci bankare ne kredi, etj por pa u kufizuar ne keto, per garantimin e te cilave eshte lidhur kjo marreveshje siguroese, Barrëdhënësi është i detyruar te ruaje, te siguroje dhe te mos lejoje perkeqesimin e situates ligjore dhe financiare te kolateralit te bllokuar ne favor te Barremarresit ne perputhje me kete marreveshje siguroese.

5.2 Barrëdhënësi do të njoftojë menjëherë Bankën për çdo fakt dhe rrethanë që mund të rrezikojë/perkeqesoje situaten ligjore dhe financiare te kolateralit dhe ose ekzekutimin e tij.

5.3 Barredhenesi ka detyrimin per te njoftuar Banken per cdo konflikt gjyqesor dhe/ose administrativ ne lidhje me kolateralin objekt i kesaj marreveshje siguroese.

**Neni 6
Kompletimi i barres siguroese**

6.1 Barra siguroese quhet e kompletuar me permbushjen e sa specifikuar ne Ligjin "Per barret siguroese" i ndryshuar.

6.2 Barredhenesit me ane te kesaj marreveshje autorizojne Barremarresin te nenshkruaje, kompletoje, regjistroje dhe depozitoje te gjitha dokumentet e nevojshme ne te gjithë regjistrat perkates te percaktuar nga ligji ku pasqyrohet bllokimi i kolateralit me qellim Kompletimin e Barres Siguroese.

6.3 Barredhenesit do te paguajne shpenzimet per kompletimin, regjistrimin, depozitimn etj e te gjitha dokumenteve te nevojshme ne te gjithë regjistrat perkates te percaktuar nga ligji per efekt te bllokimit te kolateralit me qellim Kompletimin e Barres Siguroese.

**Neni 7
Detyrimet e siguruara**

7.1 Barredhenesit sigurojne me kolateralin:

- i) Pagimin e detyrimit sipas kontrates se kredise specifikuar ne nenin 1 te kesaj marreveshje si dhe anekseve, shtesave dhe/ose ndryshimeve te saj, apo dhe ne rast ristrukturimi te kontrates se kredise si me siper permendur, transformimi nga linje ne kredi apo anasjelltas, transformimi nga garanci bankare ne kredi, etj por pa u kufizuar ne keto;
- ii) Kryerjen e te gjitha veprimeve ligjore qe burojne nga aktet ligjore dhe nenligjore qe rregullojne keto marredhenie;
- iii) Pagimin e shpenzimeve per ekzekutimin e kolateralit.



Neni 8
Ekzekutimi i barres sigurorese

8.1 Ne rastin kur Kredimarrësi është në vonesë në pagimin e kesteve mujore së bashku me penaltitetet, interesat, komisionet, detyrimet, të parashikuara në kontratën e kredisë të specifikuar në nenin 1 të kësaj marrëveshjeje si dhe anekseve, shtesave dhe/ose ndryshimeve të saj, apo dhe në rast ristrukturimi të kontratës së kredisë si me siper përmendur, transformimi nga linjë në kredi apo anasjelltas, transformimi nga garanci bankare në kredi, etj por pa u kufizuar në keto, Bankës i lind e drejta për të deklaruar si të kërkueshme për tu paguar të gjithë detyrimet e garantuara me Marrëveshjen Sigurorese, si dhe shpenzimet që përfshijnë shpenzimet gjyqësore si dhe çdo shpenzim ligjor deri në ekzekutimin e plote të tyre, sipas procedurave të parashikuara në Ligjin Nr. 8537, dt.18.10.1999 "Për Barret Sigurorese" i ndryshuar.

8.2 Barrëdhënësi, menjëherë pas marrjes së njoftimit nga Banka, do të dorëzojë kolateralin me shpenzimet dhe në përgjegjësinë e tij në çdo vend të përcaktuar nga Banka, bashkë me dokumentet përkatëse. Në rast se Barrëdhënësi nuk e përmbush këtë detyrim, Banka do të vijojë me procedurën e ekzekutimit të parashikuar në Ligjin "Për Barret Sigurorese" i ndryshuar.

Neni 9
Verifikimi i kolateralit

9.1 Barremarrësi ose agjentet e tij kanë të drejtë të bëjnë inspektime dhe të verifikojnë kolateralin në çdo kohë dhe kohë pas kohe, dhe Barrëdhënësi është dakort që të ofrojë gjithë asistencën dhe informacionin e duhur mbi gjendjen ekzistuese apo kushtet dhe rrethanat që ndikojnë mbi të.

Neni 10
Ndalime që kufizojnë të drejtat që lindin nga pronësia

10.1 Barrëdhënësi nuk ka të drejtë të ndryshojë apo të krijojë të drejta pronësie ose të drejta të tjera reale mbi kolateralin, ta perdorë atë si kolateral për detyrime të tjera të tashme apo të ardhme, të tyre apo të të tjerëve pa marrë me parë pelqimin me shkrim të Barremarrësit.

10.2 Barrëdhënësi nuk ka të drejtë të anullojë, transferojë, të tjetërsojë apo disponojë, në çfarëdo forme, kolateralin e barrësuar apo të zvogëlojë vlerën e tij pa miratimin paraprak me shkrim të Bankës.

Neni 11
Vazhdimësia e sigurimit të ekzekutimit të detyrimit

11.1 Në rast se kolaterali humbet, demtohet apo zhvleftehet, si dhe kur Banka çmon se vlera e tij nuk mjafton apo është zvogeluar në vlerë, për të mbuluar detyrimin e siguruar nga kolaterali barremarrësi ka të drejtë të kërkojë shtimin e kolateralit si dhe garanci të plote nga pasuri të tjera të barrëdhënësit, ndërsa Barrëdhënësi ka detyrimin ta shtojë kolateralin me kërkesën me të parë të Barremarrësit.

11.2 Kjo marrëveshje sigurorese është titull ekzekutiv.

Neni 12
Mosmarrëveshjet

12.1 Mosmarrëveshjet që mund të lindin midis paleve si rezultat i kësaj Kontrate zgjidhen me mirekuptim, në rast të kundërt kompetente do të jetë Gjykata e Rrethit Gjyqësor Tirane.

Neni 13
Ndryshimet

13.1 Shtesa, ndryshime nga kjo Marrëveshje duhet të bëhen me shkrim dhe të nënshkruhen nga palët.
13.2 Kjo Marrëveshje së bashku me shtesat apo ndryshimet e saj do të jenë detyruese për barrëdhënësin dhe trashëgimtarët e tyre respektiv.



Neni 14
Njoftimi Zyrtar midis Paleve

14.1 Te gjitha njoftimet dhe komunikimet midis paleve ne kete marreveshje, do te behen me shkrim te dorezuara personalisht ose me poste te regjistruar (rekomande) dhe/ose adresen e e-mail ne adresen e percaktuar ne kete marreveshje.

14.2 Barredhesisit deklarojne dhe pranojne qe te gjitha llojet e njoftimeve te bera ne adresat e deklaruar nga ana e tyre sipas kesaj marreveshje do te konsiderohen si te marra nga ai/ata.

14.3 Barredhesisit jane te detyruar qe te njoftojne menjehere çdo ndryshim ne adresen e tyre. Per sa kohe qe ata nuk kane njoftuar adresen e re, njoftimet do te quhen si te kryera dhe barredhesisit nuk kane te drejte dhe heqin dore nga cdo pretendim ne lidhje me njoftimet e bera ne adresen e deklaruar prej tyre sipas kesaj marreveshje.

Kjo Marreveshje Siguruese hartohet ne 5 (pese) kopje me vlere te barabarte, dhe pasi lexohet dhe gjendet konform vullnetit te lire e te plote te paleve nenshkruhet si me poshte. Une noteri e vertetoj ate sipas ligjit.

PALET KONTRAKTUESE

BARREMARRES

"BANKA CREDINS" SH.A
Drejtores e Rajonit Nr.3, Tirane

Drejtores e Rajonit Nr.3, Tirane
znj. Ira DAFA




Analist Kredie

znj. Bruna KADIU




BARREDHENES

Shoqeria "Kassel" Sh.p.k
Perfaqesuar nga Administratori

z. Kastriot PONARI



z. Kastriot PONARI





NOTER

